

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23) i Zaključka Vlade Zeničko-dobojskog kantona, broj: 02-11-19085/23 od 21.12.2023. godine, na prijedlog Službe za zajedničke poslove, Vlada Zeničko-dobojskog kantona, na 20. sjednici, održanoj dana 08.03.2024. godine, d o n o s i

ZAKLJUČAK

I.

Prima se na znanje Informacija po Zaključku Vlade Zeničko-dobojskog kantona, broj: 02-11-19085/23 od 21.12.2023. godine.

II.

Informacija iz tačke I. čini sastavni dio ovog zaključka.

III.

Zaključak stupa na snagu danom donošenja.

Broj: 02-_____/24
Datum, 08.03.2024. godine
Zenica

PREMIJER

Nezir Pivić

DOSTAVLJENO:

1x Služba za zajedničke poslove,
1x Ministarstvo za pravosuđe i upravu,
1x Ministarstvo za obrazovanje, nauku, kulturu i sport,
1x Ministarstvo unutrašnjih poslova,
1x Ministarstvo finansija,
1x a/a.

INFORMACIJA
PO ZAKLJUČKU VLADE ZENIČKO-DOBOJSKOG KANTONA,
BROJ: 02-11-19085/23 OD 21.12.2023. GODINE

Cilj Informacije je upoznati Vladu Zeničko-dobojskog kantona sa realizacijom Zaključka Vlade kantona, broj: 02-11-19085/23 od 21.12.2023. godine, koji se odnosi na realizaciju zaduženja vezana za kolektivno osiguranje uposlenika Zeničko-dobojskog kantona.

Tačkom I. zaključka Vlade Zeničko – dobojskog kantona, broj: 02-11-19085/23 od 21.12.2023. godine utvrđeno je da se zadužuju Ministarstvo za pravosuđe i upravu, Ministarstvo unutrašnjih poslova i Ministarstvo za obrazovanje, nauku, kulturu i sport, da izvrše konsultacije sa reprezentativnim sindikatima, svako iz svoje nadležnosti, u pogledu visine premije za kolektivno osiguranje uposlenika.

Tačkom II. zaključka resorna ministarstva su zadužena da Izvjaštaje o provedenim konsultacijama iz tačke I. istog zaključka sa prijedlogom visine premije za kolektivno osiguranje uposlenika u roku od 15 dana dostave Službi za zajedničke poslove, koja će nakon toga pripremiti akt za Vladu Zeničko-dobojskog kantona.

U skladu sa Zaključkom Vlade kantona, Službi za zajedničke poslove su dostavljeni prijedlozi o visini premije za kolektivno osiguranje uposlenika, kako slijedi:

-Ministarstvo unutrašnjih poslova, akt broj: 08-01-03/1-11-1-3355-3/23 od 12.01.2024. godine, sa prijedlogom Sindikata policije MUP-a ZE-DO kantona da minimalna premija osiguranja iznosi **od 7,00 KM** mjesečno po jednom uposleniku;

-Ministarstvo za pravosuđe i upravu, akt broj: 06-04/2-02-1-53-2/24 od 30.01.2024. godine, sa prijedlogom Samostalnog sindikata državnih službenika i namještenika u organima državne službe, sudskoj vlasti i javnim ustanovama, Sindikalna organizacija kantonalnih organa državne službe ZE-DO kantona, je da visina premije iznosi **3,00 KM** po jednom uposlenom;

-Ministarstvo za obrazovanje, nauku, kulturu i sport, akt broj: 10-30-18227-2/23 od 05.02.2024. godine, prijedlog Sindikata srednjeg i visokog obrazovanja, odgoja, nauke i kulture BiH- Kantonalni odbor ZE-DO kantona i Samostalni sindikat osnovnog obrazovanja i odgoja FBiH- Kantonalni odbor ZE-DO kantona, je da minimalna premija osiguranja iznosi **od 10,00 KM** po jednom uposlenom.

Uz prijedloge o visini premije osiguranja dostavljeni su prijedlozi i zahtjevi i u pogledu ugovaranja vrste osiguranja, kako slijedi:

-U aktu Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH, Sindikalna organizacija kantonalnih organa državne službe ZE-DO kantona, je navedeno da se u kolektivno osiguranje uvrste osigurani slučajevi za: smrt usljed nezgode, trajni invaliditet, bolnička naknada zbog bolesti, trošak liječenja i smrt usljed bolesti;

-U aktu Sindikata srednjeg i visokog obrazovanja, odgoja, nauke i kulture BiH- Kantonalni odbor ZE-DO kantona i Samostalnog sindikata osnovnog obrazovanja i odgoja FBiH- Kantonalni odbor ZE-DO kantona, je navedeno da se ugovaranje osiguranja obavezno izvrši na 24 sata za sljedeće osigurane slučajeve: smrti osiguranika usljed nezgode, smrti osiguranika usljed bolesti, trajne invalidnosti - trajni gubitak opće radne sposobnosti, potpuni ili djelimični, dnevne naknade - prolazna nesposobnost za rad usljed nezgode, troškove liječenja - narušeno zdravlje kao posljedica nezgode, dnevne naknade za

boravak u bolnici - narušeno zdravlje kao posljedica nesreće koje zahtjeva hospitalizaciju.

Prema dostavljenim prijedlozima da bi se ugovor za kolektivno osiguranje uposlenika Zeničko-dobojskog kantona mogao zaključiti, trebalo bi obezbijediti sredstava u iznosu **od 310.320,00 KM** (za premiju osiguranja 3,00 KM) **do 1.034.400,00 KM** (za premiju osiguranja 10,00 KM), na godišnjem nivou.

Prijedlog Službe za zajedničke poslove je bio da visina premije osiguranja može iznositi maksimalno **1,80 KM** po jednom uposleniku, jer prema podacima koje smo prikupili ukupan broj uposlenika Zeničko-dobojskog kantona je 8.620, a sredstva koja su predviđena za ovu namjenu u budžetu za 2024. godinu iznose **190.000,00 KM**.

Iz naprijed navedenog proizilazi, uzimajući u obzir dostavljene prijedloge za visinu premije osiguranja i vrste osiguranih slučajeva, za zaključivanje novog ugovora za kolektivno osiguranje uposlenika Zeničko-dobojskog kantona, potrebna su dodatna sredstva, jer su dostavljeni prijedlozi daleko iznad iznosa sredstava kojima Služba za zajedničke poslove raspolaže.

Ova informacija dostavlja se Vladi Zeničko-dobojskog kantona, kako bi se obezbijedila dodatna sredstava iz Budžeta Zeničko-dobojskog kantona u cilju zaključivanja novog ugovora o kolektivnom osiguranju uposlenika Zeničko-dobojskog kantona.

DIREKTOR

Miralem Redić